

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-9- 620/16-1
Sarajevo, 16.03.2016. godine

**DOMU NARODA
PARLAMENTA FEDERACIJE BIH**

Na 8. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 16.03.2016. godine razmatrane su sljedeće tačke dnevnog reda:

- 1. Prijedlog zakona o izmjenama i dopunama Zakona o jedinstvenom sistemu registracije kontrole i naplate doprinosa,**
- 2. Nacrt zakona o dobrovoljnim penzijskim fondovima,**
- 3. Prijedlog odluke o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom, broj: 19000555-DK-1/10 od 1.11.2010. godine,**
- 4. Finansijski izvještaj o poslovanju Zavoda za transfuzijsku medicinu FBiH za period 01.01. do 31.12.2014. godine,**
 - Odluka UO o usvajanju Finansijskog izvještaja Zavoda za transfuzijsku medicinu FBiH za period 01.01. do 31.12.2014. godine,**
 - Izvještaj o radu Upravnog odbora Zavoda za transfuzijsku medicinu Federacije Bosne i Hercegovine za 2014.godinu,**
 - Odluka UO o usvajanju izvještaja o radu Upravnog odbora Zavoda za transfuzijsku medicinu FBiH za 2014. godinu,**
 - Izvještaj o radu Zavoda za transfuzijsku medicinu FBiH za 2014.,**
 - Odluka UO o usvajanju izvještaja o radu Zavoda za transfuzijsku medicinu FBiH za 2014. godinu,**
- 5. Izvještaj o poslovanju Javnog preduzeća “Željeznice Federacije Bosne i Hercegovine”, d.o.o. za 2014. godinu,**
 - Finansijski izvještaj,**
 - Izvještaj revizora,**
 - Izvještaj o radu Nadzornog odbora,**
 - Izvještaj o radu Odbora za reviziju,**
- 6. Izvještaj o radu Komisije za vrijednosne papire Federacije Bosne i Hercegovine za 2014. godinu,**
 - Finansijski plan Komisije za vrijednosne papire Federacije Bosne i Hercegovine sa Programom rada Komisije za vrijednosne papire Federacije Bosne i Hercegovine za 2015. godinu.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za ekonomsku i razvojnu politiku, finansije i budžet podnosi Domu naroda slijedeći:

I Z V J E Š T A J

1. Prijedlog zakona o izmjenama i dopunama Zakona o jedinstvenom sistemu registracije kontrole i naplate doprinosa

Predstavnik predlagača upoznao je članove Odbora sa ciljevima izmjena postojećeg zakonskog rješenja, te naročito naglasio očekivane efekte smanjenja rada na crno. U raspravi članovi Odbora su istakli primjedbu tehničke prirode u samom nazivu Prijedloga zakona, te predložili predstavniku predlagača da, Vlada Federacije BiH kao predlagač, prihvati kao tehničku grešku i izbriše termin "i dopunama", jer su u pitanju samo izmjene već postojećih zakonskih odredbi.

Imajući u vidu navedeno, članovi Odbora predlažu Domu naroda da razmotri i usvoji navedeni Prijedlog zakona.

2. Nacrt zakona o dobrovoljnim penzijskim fondovima

Predstavnik predlagača detaljno je prezentirao svrhu i cilj izrade novog zakonskog rješenja. U raspravi članovi Odbora postavili su niz pitanja i dilema, između ostalog: ko će biti glavni regulator penzijskih fondova, te da li je urađena procjena mogućih očekivanih efekata kao rezultata novih zakonskih rješenja? Na taj način skrenuta je pažnja na potreban aktuarski način modela predviđanja dešavanja. Imajući u vidu značaj i potrebu što boljeg uređenja ove oblasti, članovi Odbora predlažu Domu naroda da razmotri navedeni nacrt i usvoji slijedeći:

Z A K L J U Č A K

1. Dom naroda Parlamenta Federacije Bosne i Hercegovine prihvata Nacrt zakona o dobrovoljnim penzijskim fondovima te smatra da može poslužiti kao osnova za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 90 dana kako bi se što više stručnjaka i aktera uključilo u cilju izrade kvalitetnijih zakonskih rješenja.
3. Zadužuje se predlagač da prilikom izrade prijedloga zakona ima u vidu sve primjedbe, prijedloge i sugestije koje će biti iznesene u javnoj raspravi uključujući i one iznesene na sjednici Doma naroda.

3. Prijedlog odluke o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom, broj: 19000555-DK-1/10 od 1.11.2010. godine

Odbor predlaže Domu naroda da razmotri i donese Odluku o odobravanju Odluke o davanju saglasnosti na izmjenu ugovora o sindiciranom dugoročnom kreditu s valutnom klauzulom, broj: 19000555-DK-1/10 od 1.11.2010. godine.

- 4. Finansijski izvještaj o poslovanju Zavoda za transfuzijsku medicinu FBiH za period 01.01. do 31.12.2014. godine,**
- Odluka UO o usvajanju Finansijskog izvještaja Zavoda za transfuzijsku medicinu FBiH za period 01.01. do 31.12.2014. godine,**
 - Izvještaj o radu Upravnog odbora Zavoda za transfuzijsku medicinu Federacije Bosne i Hercegovine za 2014.godinu,**
 - Odluka UO o usvajanju izvještaja o radu Upravnog odbora Zavoda za transfuzijsku medicinu FBiH za 2014. godinu,**
 - Izvještaj o radu Zavoda za transfuzijsku medicinu FBiH za 2014.,**

Predstavnica predlagača upoznala je članove Odbora sa navedenim dokumentima. U raspravi je istaknut konstantan problem razmatranja materijala i dokumenata sa kašnjenjem, što raspravu čini nesvrishodnom. Članovi su konstatovali proceduralnu potrebu usvajanja navedenih dokumenata, ali istovremeno izrazili apsurdnu situaciju razmatranja navedenih dokumenata retroaktivno. U tom smislu zaključeno je da se za navedeni problem treba uputiti Urgencija Vladi Federacije BiH da navedene i slične dokumente i materijale treba razmatrati odmah po dostavljanju od strane obrađivača materijala i što prije ih dostaviti Parlamentu Federacije BiH.

Odbor predlaže Domu naroda da razmotri i prihvati Finansijski izvještaj o poslovanju Zavoda za transfuzijsku medicinu FBiH za period 01.01. do 31.12.2014. godine sa pratećim dokumentima, kao sastavnim dijelom.

- 5. Izvještaj o poslovanju Javnog preduzeća “Željeznice Federacije BiH”, d.o.o. za 2014. godinu**
- Finansijski izvještaj,**
 - Izvještaj revizora,**
 - Izvještaj o radu Nadzornog odbora,**
 - Izvještaj o radu Odbora za reviziju**

Predstavnik predlagača je detaljno prezentirao Izvještaj o poslovanju Javnog preduzeća “Željeznice Federacije BiH”, d.o.o. za 2014. godinu sa pratećim dokumentima koji čine sastavni dio Izvještaja. U raspravi je konstatovano neprovođenje Zakona o finansijskoj konsolidaciji javnog preduzeća Željeznice Federacije Bosne i Hercegovine, d.o.o. Sarajevo od strane Vlade Federacije BiH, te istaknuta činjenica da Vlada Federacije BiH generalno ne poštuje odluke koje se temelje na zakonskoj obavezi doznačavanja transfera, što svakako otežava i poslovanje Željeznica Federacije BiH. Na Odboru je istaknuta potreba preciznog planiranja i određivanja termina dodjele svih transfera predviđenih zakonom već početkom kalendarske godine i u samom Dokumentu Okvirnog Budžeta za naredni period. Imajući u vidu navedeno, članovi Odbora predlažu Domu naroda da razmotri i prihvati navedene dokumente.

- 6. Izvještaj o radu Komisije za vrijednosne papire Federacije Bosne i Hercegovine za 2014. godinu,**
- Finansijski plan Komisije za vrijednosne papire Federacije Bosne i Hercegovine sa Programom rada Komisije za vrijednosne papire Federacije Bosne i Hercegovine za 2015. godinu.**

Članovi Odbora predlažu Domu naroda da razmotri i prihvati Izvještaj o radu Komisije za vrijednosne papire Federacije Bosne i Hercegovine za 2014. godinu, te ističu da je u ovoj situaciji nesvrishodno razmatrati Finansijski plan Komisije za vrijednosne papire

Federacije Bosne i Hercegovine sa Programom rada Komisije za vrijednosne papire Federacije Bosne i Hercegovine za 2015. godinu.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet

Muhamed Kozadra, s.r.